

Na osnovu člana 13. Zakona o principima lokalne samuprave Federacije Bosne i Hercegovine ("Službene novine FBiH", broj 49/06 i 51/09), člana 25. Statuta Općine Stari Grad Sarajevo – Prečišćeni tekst ("Službene novine Kantona Sarajevo", broj 20/13), te člana 84. i 93. stav (2) Poslovnika Općinskog vijeća Stari Grad Sarajevo ("Službene novine Kantona Sarajevo", broj 23/14), Općinsko vijeće Stari Grad Sarajevo je, na 37. sjednici održanoj 25. februara 2016. godine, utvrdilo

(N a c r t)

ODLUKA

O PRIZNANJIMA OPĆINE STARI GRAD SARAJEVO

I – OPĆE ODREDBE

Član 1. (Predmet)

(1) Ovom odlukom, utvrđuju se priznanja Općine Stari Grad Sarajevo (u daljem tekstu: Općina), koja se dodjeljuju za izuzetne rezultate postignute u svim oblastima privrede i društvenih djelatnosti koje doprinose razvoju i ugledu Općine, te u svrhu odavanja priznanja učesnicima odbrambeno-oslobodilačkog rata u BiH.

(2) Gramatički izrazi upotrijebljeni u ovoj odluci, za označavanje muškog ili ženskog spola, podrazumijevaju oba spola.

Član 2.

Priznanja Općine Stari Grad Sarajevo (u daljem tekstu: Općinska priznanja) se mogu dodjeljivati pojedincima, organizacijama, institucijama, udruženjima, kao i drugim pravnim subjektima, te stranim državljanima i institucijama.

II – VRSTE PRIZNANJA

Član 3. (Vrste /nazivi/Općinskih priznanja)

Ovom odlukom se ustanovljavaju sljedeća priznanja:
(u postupku Javne rasprave će biti utvrđene vrste /nazivi/ priznanja, obrazloženja svakog priznanja pojedinačno kao i kriteriji za dodjelu istih)

Član 4. (Zabrana i ograničenja dodjele općinskih priznanja)

- (1) Općinska priznanja se ne mogu dodjeljivati:
- ◆ izabranim Općinskim zvaničnicima kao i zvaničnicima na višim nivoima vlasti, sa područja Općine, za vrijeme trajanja njihovog mandata;
 - ◆ za iste zasluge, licima kojima je Općina već dodjeljivala priznanja;
 - ◆ licima koja su pravosnažnom presudom domaćeg ili stranog suda, osuđena na zatvorsku kaznu za djela genocida i ratnog zločina;
licima koja su pravosnažnom presudom domaćeg ili stranog suda, osuđena na zatvorsku kaznu za ostala krivična djela;
 - ◆ licima koja svojim djelovanjem narušavaju ugled Općine.
- (2) Općinska priznanja se mogu dodjeljivati:
- ◆ uposlenicima Općine samo za doprinos i ostvarene rezultate koje su postigli izvan obavljanja redovnih aktivnosti i poslova predviđenih radnim mjestom;

III – POSTUPAK PREDLAGANJA I DODJELE OPĆINSKIH PRIZNANJA

Član 5. (Podnosioci prijedloga)

- (1) Prijedlog za dodjelu Općinskih priznanja iz člana 3. ove odluke, mogu podnijeti :
- svaki punoljetni građanin Općine
 - vijećnici u Općinskom vijeću
 - predsjedavajući Općinskog vijeća
 - Općinski načelnik;
 - klubovi vijećnika;
 - udruženja registrovana na području Općine;
 - Općinski odbori političkih partija;
 - savjeti mjesnih zajednica;
 - privredna društava sa registrovanom dejlatnošću na području Općine;
 - ustanove i
 - druge organizacije i pojedinci.

(2) Predlagači iz stava (1) ovoga člana, nemaju pravo isticanja sopstvene kandidature za dodjelu Općinskog priznanja.

Član 6. (Forma prijedloga za dodjelu priznanja)

(1) Prijedlog za dodjelu Općinskog priznanja mora biti u pisanoj formi sa obrazloženjem u kojem je potrebno dati sve relevantne podatke o zaslugama i djelima zbog kojih se predlaže dodjela jednog od priznanja utvrđenih ovom odlukom.

(2) Uz prijedlog iz stava (1) ovog člana, potrebno je priložiti i odgovarajuću dokumentaciju kojom će biti potkrijepljeni navodi iz prijedloga.

Član 7. (Javni oglas)

Prijedlozi za dodjelu Općinskih priznanja podnose se Komisiji za priznanja (u daljem tekstu: komisija), u skladu sa odredbama člana 6. ove odluke, a na osnovu prethodno raspisanog

javnog oglasa.

Član 8.

(1) Komisiju iz člana 7. ove odluke, imenuje Općinsko vijeće iz reda...
(Sastav članova Komisije će biti utvrđen u postupku javne rasprave)

(2) Komisija broji ____ članova.

(3) Komisija donosi poslovnik o svome radu kojim reguliše pitanja organizacije, načina rada i bliže kriterije za dodelu priznanja iz člana 3. ove odluke.

(4) Odredbe poslovnika o radu Komisije ne može biti u suprotnosti sa odredbama važećeg Poslovnika Općinskog vijeća Stari Grad Sarajevo.

Član 9.

(1) Komisija je dužna da, najkasnije, u roku od 30 (trideset) dana, prijed dana određenog za dodelu priznanja, u sredstvima javnog informisanja, objavi javni poziv za podnošenje prijedloga kandidata za dodelu priznanja.

(2) Javni oglas sadrži uslove za dodelu Općinskih priznanja, te ostale upute o dokumentaciji koja mora biti priložena da bi prijedlozi bili razmatrani, sa naznakom roka za njihovo podnošenje.

(3) Rok za podnošenje prijedloga Komisiji je 15 dana od dana objavljivanja javnog poziva

Član 10.

(1) Komisija razmatra podnesene prijedloge i utvrđuje konačan prijedlog za dodelu priznanja, sa obrazloženim stavom.

(2) Komisija nema pravo da vrši izmjenu predloženog nivoa priznanja u odnosu na dostavljeni prijedlog.

(3) Kandidat za dodelu Općinskog priznanja koji je ujedno i član Komisije, ne može aktivno učestvovati pri razmatranju i eventualnom donošenju odluke o dodjeli priznanja, njemu lično.

(4) Ukoliko prijedlog za dodelu Općinskog priznanja nije podnesen u skladu sa uslovima sadržanim u javnom oglasu, Komisija neće uzeti u razmatranje.

Član 11.

(1) O dodjeli priznanja Općinsko vijeće donosi odluku nadpolovičnom većinom od ukupnog broja vijećnika u Općinskom vijeću.

(2) Priznanja iz člana 3. ove odluke se dodjeljuju na svečanoj sjednici Općinskog vijeća zakazanoj povodom 2. maja – Dana Općine Stari Grad Sarajevo i u drugim prigodama.

(3) Dobitnicima priznanja, koji, zbog spriječenosti, nisu mogli prisutvovati sjednici iz stava (1) ovog člana, ista će biti uručena naknadno.

IV – OSTALI USLOVI ZA DODJELU OPĆINSKIH PRIZNANJA

Član 12. (Ograničenja za dodjelu priznanja)

(1) U godini u kojoj se dodjeljuju Općinska priznanja, istoj fizičkoj ili pravnoj osobi, može se dodijeliti samo jedno priznanje.

(2) Općinsko priznanje se, fizičkom licu, u pravilu, dodjeljuje za života, a izuzetno se može dodijeliti i posthumno.

(3) Uz valjano obrazloženje, Komisija može predložiti da se, cijeneći utvrđene kriterije, ne vrši dodjela nekog od ustanovljenih priznanja, za tu godinu.

Član 13. (Opoziv dodijeljenog općinskog priznanja)

(1) Dodijeljeno Općinsko priznanje se može opozvati.

(2) Opoziv priznanja se vrši na način i po postupku utvrđenom za dodjelu priznanja.

(3) Priznanje će biti opozvano ako se, naknadno, utvrde ograničenja za dodjelu priznanja navedena u članu 4. ove odluke.

Član 14.

Oblik i izgled (dizajn), priznanja iz člana 3. ove odluke, kao i lice, pravno ili fizičko, koje će vršiti izradu priznanja u skladu sa važećim propisima, odredit će Kolegij Općinskog vijeća, u saradnji sa Komisijom za priznanja i Općinskim načelnikom.

V – PRIJELAZNE I ZAVRŠNE ODREDBE

Član 15.

Sredstva namijenjena za realizaciju ove odluke, utvrđuju se u Budžetu Općine za svaku kalendarsku godinu, posebno.

Član 16.

Stručne i administrativne poslove vezane za rad komisije kao i vođenje evidencije o dodijeljenim priznanjima vrši Stručna služba Općinskog vijeća.

Član 17.

Stupanjem na snagu ove odluke prestaje da važi Odluka o priznanjima Općine Stari Grad Sarajevo ("Službene novine Kantona Sarajevo", broj 5/10).

Član 18.

Ova Odluka stupa na snagu osmi dan od dana objavljivanja u "Službenim novinama Kantona Sarajevo".

Broj: 02-49-
2016.godine
Sarajevo

**PREDSJEDAVAJUĆI
OPĆINSKOG VIJEĆA STARI GRAD
SARAJEVO**

Vedran Dodik dipl .pravnik

O B R A Z L O Ž E N J E

PRAVNI OSNOV

Pravni osnov za donošenje Odluke o priznanjima Općine Stari Grad Sarajevo. Navedenim propisima je utvrđena nadležnost Općinskog vijeća za donošenje Odluke o priznanjima.

RAZLOZI DONOŠENJA

U dosadašnjem radu Komisije za priznanja, praksa je pokazala da važeća odluka ne sadrži potreban broj niti vrstu priznanja. Također nisu precizirani ni pojedini kriteriji koje bi kandidati za dodjelu priznanja trebali zispunjavati.

Obzirom na navedeno, u više navrata je konstatovano da je potrebno postojeću odluku ili mijenjati ili donijeti potpuno novu odluku.

S tim u vezi, Općinskom vijeću se dostavlja, na utvrđivanje, Nacrt Odluke o priznanjima kako bi se, na osnovu konstruktivnih prijedloga, moglo naročito utvrditi:

- koja su to priznanja koja treba dodjeljivati?
- koje kriterije treba utvrditi za dodjelu priznanja?
- ko sačinjava Komisiju i koliko članova broji Komisija za priznanja?

Nakon eventualnog utvrđivanja nacrta akta i svi zainteresirani građani i druga pravna i fizička lica mogu dati svoje sugestije na utvrđeni nacrt.

STRUČNA OBRADA

Stručna služba OV

PREDLAGAČ

Kolegij OV

NAZIV UDRUŽENJA	PROJEKAT	ODOBRENA SREDSTVA
Udruženje boraca odbrambeno-oslobodilačkog rata 92-95., Organizacija demobilisanih boraca Novi Grad Sarajevo	1. Jednokratne pomoći, 2. Pomoć u obrazovanju-instruktivna nastava	23.000,00 KM
Udruženje "ZLATNI LJILJAN" Sarajevo	1. Dan Zlatnih ljiljana, 2. Pomoć u slučaju teške bolesti i smrti	18.000,00 KM
Udruženje organizatora otpora, veterana rata, dobrovoljaca, prvoboraca i branioaca "BOSNAE- ZELENE BERETKE" Novi Grad Sarajevo	1. Jednokratne novčane pomoći, 2. Obilježavanje Dana Zelenih beretki	15.000,00 KM
Udruženje antifašista i boraca NOR-a 1941-1945. godina Općina Novi Grad Sarajevo	1. Obilježavanje godišnjice bitke na Neretvi - "Bitka za ranjenike", 2. Obilježavanje godišnjice 5. neprijateljske ofanzive na Sutjesci, 3. Posjeta Memorijalnom centru Srebrenica - Potočari, 4. Posjeta Kapiji Tuzla i partizanskom groblju u Tuzli, 5. Pomoć starim i bolesnim borcima NOR-a i drugim članovima Udruženja koji se nalaze u stanju socijalne potrebe, 6. Obilježavanje godišnjice ZAVNOBiH-Dana državnosti BiH 25. novembra, 7. Obilježavanje značajnih događaja i ličnosti iz NOR-a i odbrambeno-oslobodilačkog rata 92-95 na lokalnom nivou.	12.000,00 KM
"Udruženje boraca Patriotske Lige-Novi Grad Sarajevo"	1. Poslovi revizije izdatih uvjerenja 2. Obilježavanje Dana Patriotske lige	12.000,00 KM
Udruženje "DRUGA VITEŠKA" Novi Grad Sarajevo	1. Obilježavanje značajnih datuma i ličnosti DRUGE VITEŠKE MOTORIZOVANE BRIGADE i ostalih značajnih datuma, događaja i ličnosti, 2. Obilježavanje godišnjice Dana DRUGE VITEŠKE BRIGADE MB i Dana Udruženja	9.000,00 KM

NAZIV UDRUŽENJA	PROJEKAT	ODOBRENA SREDSTVA
Udruženje "1. dobrinjska brigada" Novi Grad Sarajevo	1. Obilježavanje Dana 1. Dobrinjske brigade uključujući ostale značajne datume, događaje i ličnosti 2. Izrada monografije ratne Prve dobrinjske brigade	9.000,00 KM
Udruga umirovljenika i demobiliziranih branitelja Hrvatskog vijeća obrane Općine Novi Grad Sarajevo	1. Pomoć socijalno ugroženoj kategoriji članova HVO-a 2. Obilježavanje objelnica HVO-a	9.000,00 KM
Udruženje logoraša Novi Grad Sarajevo	1. Pomoć starim, bolesnim i siromašnim logorašima, djeci bez jednog ili oba roditelja, silovanim i zlostavljanim ženama i muškarcima 2. Obilježavanje 2. i 17. juna dana staradanja građana u MZ Dobroševići i MZ Aerodromsko Naselje	8.000,00 KM
Udruženje "101 BRIGADA" Sarajevo	1. Obilježavanje značajnih datuma - Ratnim stazama boraca 101 MTBR	3.000,00 KM

III.

U skladu sa članom 7. Odluke o finansiranju nevladinih i neprofitnih udruženja koja okupljaju boračku populaciju na području Općine Novi Grad Sarajevo, a s ciljem regulisanja međusobnih prava i obaveza, zaključit će se ugovori između Općine Novi Grad Sarajevo i udruženja čiji su projekti odobreni za finansiranje.

IV.

Ova Odluka stupa na snagu narednog dana od dana objavljivanja na oglasnoj tabli Općine, a objavit će se u "Službenim novinama Kantona Sarajevo".

Broj 01-02-4335/10
9. marta 2010. godine
Sarajevo

Predsjedavajući
Općinskog vijeća
Aner Šuman, s. r.

Odluka objavljena na oglasnoj tabli Općine.

OPĆINA STARI GRAD

Općinsko vijeće

Na osnovu člana 25. Statuta Općine Stari Grad Sarajevo-Prečišćeni tekst ("Službene novine Kantona Sarajevo", broj 31/08), člana 20. i člana 6. stav 1. Odluke o dodjeli na korištenje poslovnih prostora i visini i načinu plaćanja zakupnine za poslovne prostore na kojima pravo raspolaganja ima Općina Stari Grad Sarajevo-Prečišćeni tekst ("Službene novine Kantona Sarajevo", broj 19/09), Općinsko vijeće Stari Grad Sarajevo, na sjednici održanoj 25. februara 2010. godine, donijelo je

ODLUKU

O DODJELI U ZAKUP POSLOVNOG PROSTORA U ULCI LOGAVINA BROJ 11

1. Poslovni prostor u ulici Logavina broj 11 (površine 59 m², druga zona), dodjeljuje se u zakup "NVO Altruista SVJETLO".
2. Korisnik poslovnog prostora iz tačke 1. ove Odluke oslobađa se od obaveze plaćanja zakupnine za korištenje predmetnog poslovnog prostora.
3. Općinski načelnik će sa korisnikom iz tačke 1. ove Odluke zaključiti ugovor o korištenju poslovnog prostora. Ugovor se zaključuje na period od godinu dana sa mogućnošću produženja, odnosno do donošenja Zakona o restituciji.

4. Ova Odluka stupa na snagu sa danom donošenja i bit će objavljena u "Službenim novinama Kantona Sarajevo".

Broj 02-49-128/10
Februar 2010. godine
Sarajevo

Predsjedavajući
Općinskog vijeća Stari Grad
Sarajevo
Prof. dr. Rizah Avdić, s. r.

Na osnovu člana 13. Zakona o principima lokalne samouprave u Federaciji BiH ("Službene novine Federacije BiH", broj 49/06), člana 2. stav 3. Zakona o javnim priznanjima Kantona Sarajevo ("Službene novine Kantona Sarajevo", broj 7/06, 9/06 i 12/06), i člana 25. Statuta Općine Stari Grad Sarajevo - Prečišćeni tekst ("Službene novine Kantona Sarajevo", broj 31/08), Općinsko vijeće Stari Grad Sarajevo, na sjednici održanoj 25. februara 2010. godine, donijelo je

ODLUKU

O PRIZNANJIMA OPĆINE STARI GRAD SARAJEVO

I. OSNOVNE ODREDBE

Član 1.

Ovom Odlukom, Općina Stari Grad Sarajevo (u daljnjem tekstu: Općina), kao izraz zahvalnosti za izuzetna dostignuća i doprinos od posebnog značaja za razvoj i ugled Općine, te podsticanje na aktivnosti koje su tome usmjerene, utvrđuje

Utorak, 16. marta 2010.

priznanja, postupak predlaganja, donošenja odluke i dodjele priznanja, te razloge i postupak za njihov opoziv.

Član 2.

Priznanja Općine Stari Grad Sarajevo (u daljnjem tekstu: priznanja) se dodjeljuju pojedincima, organizacijama, institucijama, udruženjima, drugim pravnim subjektima, stranim državljanima i institucijama.

Član 3.

(1) Priznanja se ne mogu dodjeljivati:

- za iste zasluge licima kojima je Općina već dodjeljivala javna priznanja;
- izabranim zvaničnicima Općine i drugih nivoa vlasti u Bosni i Hercegovini za vrijeme trajanja njihovog mandata;
- uposlenicima Općine i drugih nivoa vlasti u Bosni i Hercegovini za rezultate ostvarene u obavljanju poslova predviđenih radnim mjestom izuzev lica iz člana 8. ove Odluke;
- licima koja su pravosnažnom sudskom presudom domaćeg ili stranog suda osuđena na zatvorsku kaznu za krivično djelo genocida i ratnog zločina;
- licima koja su pravosnažnom sudskom presudom domaćeg ili stranog suda osuđena na zatvorsku kaznu za ostala krivična djela;
- licima koja svojim djelovanjem narušavaju ugled Općine;

(2) Ne može se, za dodjelu priznanja, predložiti osoba koja više nije u životu, osim ako je život izgubila izvršavajući djelo zbog kojeg se predlaže za dodjelu priznanja.

II. VRSTE PRIZNANJA

Član 4.

Ovom Odlukom se ustanovljavaju sljedeća priznanja:

1. OPĆINSKA POVELJA SA ZLATNIM ŠTITOM
2. POVELJA SA GRBOM OPĆINE STARI GRAD SARAJEVO
3. ZLATNI SEBILJ
4. POLICAJAC GODINE
5. ZAHVALNICA OPĆINE STARI GRAD SARAJEVO

1. Općinska povelja sa zlatnim štitom

Član 5.

(1) Općinska povelja sa zlatnim štitom se dodjeljuje demobilisanim borcima i jedinicama Armije RBiH i MUP-a RBiH, pripadnicima Civilne zaštite, udruženjima koja baštine tradiciju jedinica Armije RBiH i MUP-a RBiH, kao i drugim fizičkim i pravnim licima, koji su se svojim požrtvovanim djelovanjem naročito istakli u:

- organizovanju i izvođenju odbrane na području Općine, te otklanjanju opasnosti od ratnih razaranja njenog područja;
- organizovanju i djelovanju tijela civilnih vlasti i vitalnih javnih službi u uslovima ratnog stanja na području Općine i time doprinijeli unutrašnjem snaženju odbrambenog sistema;
- zaštititi i spašavanju agresijom ugroženog stanovništva i
- pronosanju istine o suštini agresije na RBiH.

(2) Godišnje se mogu dodijeliti najviše 2 (dvije) pojedinačne i 1 (jedna) kolektivna Općinska povelja sa zlatnim štitom.

2. Povelja sa grbom Općine Stari Grad

Član 6.

(1) Povelja sa grbom Općine Stari Grad se dodjeljuje domaćim fizičkim i pravnim licima za izuzetan doprinos:

- u izgradnji i jačanju institucija lokalne zajednice u Općini i njenoj afirmaciji u zemlji i inostranstvu;

- u prosvjetnoj djelatnosti i organizovanju vaspitno - obrazovnog rada;
- u uspješnoj i istaknutoj naučnoj djelatnosti u svim oblastima;
- na razvoju komunalne infrastrukture;
- za investiciona ulaganja u proširenje proizvodnih kapaciteta i upošljavanje većeg broja radnika;
- u promovisanju i razvoju Općine kao turističke destinacije;
- u očuvanju i njegovanju prirodnog i kulturno-historijskog naslijeđa;
- u razvoju bankarskih i institucija osiguranja;
- u proizvodnji hrane;
- u oblasti zdravstva i socijalne zaštite;
- prostornom razvoju Općine;
- u unapređenju i zaštiti čovjekove životne i radne okoline;
- u oblastima kulture, fizičke kulture i sporta;
- u drugim oblastima od značaja za Općinu.

(2) Godišnje se mogu dodijeliti najviše 2 (dvije) pojedinačne i 1 (jedna) kolektivna Povelja sa grbom Općine Stari Grad.

3. Zlatni sebilj

Član 7.

(1) Priznanje Zlatni sebilj se dodjeljuje građanima i institucijama Općine i drugih nivoa vlasti u Bosni i Hercegovini, pojedincima i institucijama prijateljskih općina, kao i stranim državljanima i institucijama koje su dale naročit doprinos u razvoju i afirmaciji Općine, razvoju međunarodnih i međuljudskih odnosa na načelima solidarnosti, demokratičnosti, humanosti i tolerancije među ljudima, te pružanju ekonomske pomoći.

(2) Godišnje se mogu dodijeliti najviše 2 (dva) pojedinačna i 2 (dva) kolektivna priznanja Zlatni sebilj.

4. Policajac godine

Član 8.

(1) Općinsko priznanje Policajac godine dodjeljuje se pojedincima, policijskim službenicima I Policijske uprave - Policijska stanica Stari Grad Sarajevo, za izuzetan doprinos i postignute rezultate u zalaganju za ostvarivanje što povoljnije bezbjedonosne situacije na području općine Stari Grad Sarajevo u prethodnom jednogodišnjem periodu.

(2) Godišnje se može dodijeliti najviše 1 (jedno) pojedinačno priznanje Policajac godine.

5. Zahvalnica Općine Stari Grad

Član 9.

(1) Zahvalnica Općine Stari Grad dodjeljuje se građanima i institucijama Općine i drugih nivoa vlasti u Bosni i Hercegovini, pojedincima i institucijama prijateljskih općina, kao i stranim državljanima i institucijama koji su dali naročit doprinos u razvoju i promovisanju Općine u oblasti ekonomije, nauke, obrazovanja, kulture, fizičke kulture i sporta, zdravstva i socijalne zaštite i drugim oblastima od značaja za Općinu.

(2) Zahvalnice Općine Stari Grad, čiji broj nije ograničen, dodjeljuju se u toku cijele godine na prijedlog načelnika Općine, predsjedavajućeg i Kolegija Općinskog vijeća.

III. POSTUPAK PREDLAGANJA, DONOŠENJA ODLUKE, DODJELA PRIZNANJA I OPOZIV PRIZNANJA

Član 10.

(1) Prijedloge za dodjelu priznanja iz člana 5. do 8. ove Odluke mogu podnijeti:

- građani Općine;

- vijećnici Općinskog vijeća;
 - predsjedavajući Općinskog vijeća;
 - općinski načelnik;
 - udruženja registrovana na području Općine;
 - političke partije koje djeluju na području Općine;
 - klubovi vijećnika Općinskog vijeća;
 - savjeti mjesnih zajednica sa područja Općine;
 - privredna društva sa registrovanom djelatnošću na području Općine;
 - ustanove i
 - druge organizacije i pojedinci.
- (2) Prijedlozi za dodjelu priznanja podnose se Komisiji za priznanja (u daljnjem tekstu: Komisija) u pisanom obliku sa detaljnim obrazloženjem i relevantnim dokazima, a u skladu sa kriterijima iz člana 5. do 9. ove Odluke.

Član 11.

- (1) Komisiju iz člana 10. stav 2. ove Odluke, imenuje Općinsko vijeće iz reda vijećnika, članova radnih tijela i boračkih udruženja.
- (2) Komisija ima 17 članova.
- (3) Predsjedavajući Općinskog vijeća i zamjenik predsjedavajućeg su, po funkciji, predsjednik, odnosno zamjenik predsjednika Komisije.
- (4) Ostali članovi Komisije su:
- članovi Komisije za izbor i imenovanje,
 - predstavnik Komisije za pitanja boraca i žrtava rata,
 - predstavnik Komisije za fizičku kulturu i sport
 - predstavnik Komisije za privredni razvoj, zanatstvo i turizam
 - predstavnik Komisije za obrazovanje, kulturu i kulturno-historijsko naslijeđe
 - dva predstavnika koje predlaže Koordinacija boračkih udruženja iz reda svojih članova.
- (5) Rješenje o imenovanju članova Komisije donosi Općinsko vijeće za svaku godinu posebno.

Član 12.

Komisija donosi poslovnik kojim reguliše pitanja organizacije, način rada i bliže kriterije za dodjelu priznanja iz člana 4. ove Odluke.

Član 13.

- (1) Komisija je dužna da, najkasnije 45 (četrdeset pet) dana prije dana određenog za dodjelu priznanja, u sredstvima javnog informisanja objavi javni poziv za podnošenje prijedloga kandidata za dodjelu priznanja, uz kriterije koje prijedlozi moraju ispunjavati da bi bili razmatrani, sa naznakom roka njihovog podnošenja.
- (2) Rok za podnošenje prijedloga Komisiji je 15 dana od dana objavljivanja javnog poziva.

Član 14.

Komisija razmatra podnesene prijedloge i utvrđuje konačan prijedlog za dodjelu priznanja sa obrazloženim stavom.

Član 15.

O dodjeli priznanja Općinsko vijeće donosi Odluku nadpolovičnom većinom ukupnog broja vijećnika u Općinskom vijeću.

Član 16.

- (1) Priznanja iz člana 4. ove Odluke dodjeljuje Općinsko vijeće na svečanoj sjednici Općinskog vijeća, zakazanoj povodom Dana Općine ili u dane utvrđene Odlukom o obilježavanju značajnih događaja, datuma i ličnosti iz perioda agresije 1992.-1995. godina i u drugim prigodama.
- (2) Priznanje Zlatni sebilj će se, dobitnicima iz prijateljskih općina i stranih država koji zbog opravdane spriječenosti ne

budu prisustvovali svečanoj sjednici iz stava 1. ovog člana, uručiti naknadno.

Član 17.

- (1) Dodijeljeno priznanje se može opozvati.
- (2) Opoziv priznanja vrši se na način i po postupku za dodjelu priznanja.
- (3) Priznanja će se opozvati ako se naknadno utvrde ograničenja za dodjelu priznanja iz člana 3. ove Odluke.

Član 18.

Oblik i izgled (dizajn) priznanja iz člana 3. ove Odluke, utvrdit će Kolegij Općinskog vijeća Stari Grad Sarajevo na prijedlog Komisije za priznanja Općinskog vijeća Stari Grad Sarajevo (u daljnjem tekstu: Komisija).

IV. PRIJELAZNE I ZAVRŠNE ODREDBE

Član 19.

Sredstva namijenjena za realizaciju ove Odluke utvrđuju se u Budžetu Općine za svaku kalendarsku godinu posebno.

Član 20.

Stručne i administrativne poslove vezane za rad Komisije kao i vodenje evidencije o dodijeljenim priznanjima obavlja Stručna služba Općinskog vijeća.

Član 21.

Stupanjem na snagu ove Odluke prestaje da važi Odluka o priznanjima Općine Stari Grad Sarajevo ("Službene novine Kantona Sarajevo", broj 9/06 i 7/09).

Član 22.

Ova Odluka stupa na snagu danom donošenja, a bit će objavljena u "Službenim novinama Kantona Sarajevo".

Broj 02-49-71/10
Februar 2010. godine
Sarajevo

Predsjedavajući
Općinskog vijeća Stari Grad
Sarajevo
Prof. dr. **Rizah Avdić**, s. r.

Na osnovu člana 1. i 7. Zakona o vraćanju, dodjeli i prodaji stanova ("Službene novine Federacije BiH", broj 28/05 i 2/08) i člana 25. Statuta Općine Stari Grad Sarajevo - Prečišćeni tekst ("Službene novine Kantona Sarajevo", broj 31/08), Općinsko vijeće Stari Grad Sarajevo, na sjednici održanoj februara 2010. godine, donijelo je

ODLUKU

**O IZMJENAMA I DOPUNAMA ODLUKE O DODJELI I
PRODAJI STANOVA**

Član 1.

U Odluci o dodjeli i prodaji stanova ("Službene novine Kantona Sarajevo", broj 21/08), u članu 4. stav 1. na kraju teksta briše se tačka, stavlja zarez i dodaju riječi: "kao i licima čije stambeno pitanje nije riješeno na adekvatan način - zamjenski stan".

U istom članu, iza stava 4. dodaje se novi stav 5. koji glasi:

"Smatra se da lice nema adekvatno riješeno stambeno pitanje ukoliko stan koji koristi ne odgovara potrebama njegovog porodičnog domaćinstva, te ustupanjem svog stana za veći trajno rješava svoje stambeno pitanje."

Član 2.

U članu 5. stav 1. u tački a) alineja 1. dodaju se riječi:

"Neadekvatno riješeno stambeno pitanje podnosioca od 40 do 60 bodova."

U istom članu stav 1. mijenja se tačka f) i glasi:

"f) kriterij civilnih žrtava rata i invalidi rada

- za tjelesno oštećenje 80, 90 i 100% 30 bodova
- za tjelesno oštećenje 60 i 70% 20 bodova
- za tjelesno oštećenje 40 i 50% 10 bodova